



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
SEKTOR ZA TRANSPORT I KOMUNIKACIJE

UDRUŽENJE MEĐUNARODNIH CESTOVNIH PRIJEVOZNIKA TERETA (AIRH)

Branislava Đurđeva 10 - 71000 SARAJEVO Tel: 033-566-170, Fax: 566-176

E-mail: zijad.sinanovic@komorabih.ba www.komorabih.ba

PRILOG 107.4.2.1.

- Odbor Udruženja -

Broj: 03-50-760-5/24

Sarajevo, 18.07.2024.godine

Na osnovu člana 18. Pravilnika o organizaciji i radu Udruženja međunarodnih cestovnih prijevoznika tereta, Odbor Udruženja međunarodnih cestovnih prijevoznika tereta na svojoj 107. sjednici, održanoj dana 18.07.2024.godine, kojoj su prisustvovali i aktivno učestvovali u njenom radu predstavnici Ministarstva komunikacija i transporta Bosne i Hercegovine, razmatrajući uzroke koji dovode do sve većeg nedostatka profesionalnih vozača, odliva u strane zemlje ili nedovoljnog interesa za ovim zanimanjem, jednoglasno su usvojili sljedeći:

ZAKLJUČAK

I

1. Odbor Udruženja je jedinstven u stavu i zahtijeva hitno pokretanje svih neophodnih radnji i procedura, kako bi se otklonila sistemski greška u Pravilniku o uvjetima za izdavanje licence i kvalifikacijske kartice vozača, tj. u odredbi člana 21. stav (1) pod c), koja glasi:

„c) dokaza o završenom srednjoškolskom obrazovanju za vozača, najmanje III stepen odnosno KV, i“ gdje je na kraju navoda, umjesto „i“, potrebno upisati „ili“, tako da glasi:

„c) dokaza o završenom srednjoškolskom obrazovanju za vozača, najmanje III stepen odnosno KV, ili“

Obrazloženje:

Nakon velikih troškova polaganja ispita za vozača određene kategorije, troškove koje proizvodi odredba da je potrebna i srednja škola za vozača motornih vozila ili III stepen (KV) i certifikat o stručnoj osposobljenosti, čak i oni koji su imali namjeru baviti se ovim zanimanjem prinuđeni su na odlazak u drugu zemlju ili odustajanje od ovog zanimanja.

Predložena, minimalna ispravka, predstavlja kompromisno rješenje, kojim se izbjegava eliminiranje u cijelosti odredbe člana 21. stav (1) pod c) i otvaranje niza polemika i rasprava različitih zainteresiranih strana (izvan prijevozničke djelatnosti), a otklanja zastoje u pristupu profesiji vozača u međunarodnom prijevozu.

II

Zahtjeva se od Sektora za transport i komunikacije da u skladu sa aktima Vanjskotrgovinske komore Bosne i Hercegovine, osigura dostavljanje ovog zaključka organima VTKBIH na odlučivanje, a u cilju njegovog dostavljanja Ministarstvu komunikacija i transporta Bosne i Hercegovine.

Predsjedavajući sjednicom Odbora:

Dragan Marić, predsjednik